



**Tayta Oliver De Schutter**  
**Wakchakunapa kamachikuna hatun villachik**

**Llaktapi llankashkamanda villachik-fanga**

**Ecuador mamallaktaman chayashkakta**  
**(28 pusakniki killamanda 8 kuya killakaman, 2023 watapi)**

## 1. Kallaringapa

28 pusak niki killamanda 8 kuya killakaman 2023 watapimi Tayta Olivir De Schutter Ecuador mamallaktaman chayamushka. Paymi kapan Wakchakunapa kamachikuna villachik kay Organización de Naciones Unidas ukupi. Hatun villachikmi sumakta yupaychani nipan Ecuador mamallaktapa gobiernoman imashna payta aydashkata chayashka punllakunamanda. Shinallata rina punlla chayashkakaman. Ashtawangarin yupaychani nipan kay llaki punllajahuakunapipash <sup>1</sup>aydashkamanda.

Hatun villachikmi, Ecuador mamallaktaman chayamukpika, tuparirka Tayta presidente Guillermo Lassowan, tayta presidentepa yachachinamanda ministerio pushkunawanpash, kanlla llaktamanda ministrokunawan, Inclusión Económica y Socialwan ministrokunawanpash tantariparka. Ecuador mamallaktamanda wawakunapa yarjay kawsayta<sup>2</sup> anchuchingapa apachik apuwanpash tandarirka.

Chay ñandallata katishpa, Hatun villachik ka, Ministrokunapa katikkunawanpash tandanajurka. Paykunawanmi rimarka kullki recursokuna rikurina jahuapi, gupikunapa jambi llakikuna jahuapi rimarka, imashna katina kapan kay desarrollo urbano nishka jahuapipash rimarka. Shinallata paykunawan inclusión social llakikuna jahuapi rimarka, shinallata, llankana llakikuna jahuapipash rimarka.

Ministeriomanda pushakkunawanpash<sup>3</sup> tandanajurka, paykunami kaparka Warmikunapa kamachik ministeriomanda, Kulki jahua rikurina ministeriomanda, Tarpuna, wiwakunata viñachita ministeriomanda, Yachachinamanda minirteriomandapash, Gupikunapa Jambina ministeriomanda. Shinallata, Llankaymanda ministeriomanda pushakkunawanpash tandanajurka, Allpamamamanda, yakumanda transición ecológica nishkata trigrachingapa pushak kunawanpash tandanajurka. Desarrollo urbano y vivienda ministro katikkunawanmpash tuparirka, shinallata, Inclusión Económica y Socialmandapash, Kanlla llaktamanda rikurina ministeriowanpash tandanajurka.

Hatun villachik tuparirkami Runakunapa kunaykunata rikungapa Consejo nishkata, Discapacidakuna kunaykunata rikungapa tandanakuywanpash, Shamujun generaciónkunapa kunaykunata rikungapa tandanakuywanpash. Shinallata shuck llaktakunamanda runa kunaykunata rikungapa tandanakuywanpash.

Shinallata, Hatun villachik tuparirkami Educación Intercultural Bilingüe y Etnoeducación secretario pushakwan, Runakunapa Planificación, Gestión y Desarrollo llaktamanda pushakkunawan, Llaktamanda Censos y Estadísticas pushakkunawanpash, shinallata Seguridad Socialmanda pushakkunawan.

---

<sup>1</sup> Ecuador mamallaktapimi sumak llakikunatami rikurishka. Mishu shimipi nikipika “violencia e inestabilidad” nin.

<sup>2</sup> Españolshimipika “Ecuador crece sin desnutrición infantil.” nishpami shutichishka.

<sup>3</sup>

Wakchakunapa kamachikuna villachik tayta tandarirkapash Defensoría del Pueblo pushak kunawan, Pastazamanda tayta Prefectowan, Puyomanda pushak taytawanpash, shinallatata Kito municipiomanda pushak kunawan tandanajurka.

Hatun villachik rirkapash Kitullaktaman, Chota llaktaman, Puyoman, shinallata Riobamba llaktaman. Chaypimi tandarirka afroecuatoriano ayllu-llaktakunawan. Paykunami El Rosalmanda, Concepciónmanda, Salinasmandami kaparka. Shinallata tandarirkami amazoniamanda jary runakunawanpash, warmiruna kunawanpash. Paykunami Sapara, Andwa, Kichwa, Shuar, Achuar, Shiwiar, Waorani runakunami karka.

Hatun tayta tandarirkapash runa ayllu-llaktakunawan, paykunami karka Pull Grandemanda (Guamote llaktamanda), Comité Desarrollo Galtemanda (Guamote llaktamanda) y Compañía Labranzamanda (Colta llaktamanda).

Shinallata mayman chayashpapash rimarkami sociedad civil organizaciónkunawan, runakunapa kamachik rikuchikkuna, Allpamamapa kamachikkuna mañay runakunawambash. Hatun Yachaywasikunawampash chayarka paypa llankay jahuapi rimajungapa.

Kay gullpi aydashkamandami Hatun villachikka yupaychani nipan Naciones Unidas manda Oficina de la Coordinadora Residente pushak kunaman, Naciones Unidas Ecuador mamallaktamanda mashik kunaman, shinallata ashtawan yupaychani nipan Quito hatun llaktamanda Runakunapa Kamachikuna paktachingapa Oficina Regional mashikunaman.

Shuck hatun yupaychani nishkatapash kachangapa munapan, gulpi comunidadkunaman, tandarishka runa gentekunamanpash, paykunapa kawsay-yuyaykunata riksichishkamanda. Villachik taytapachami rikuy ushaskha imashna runakunaka paykunallata tandarijushpa, runa kamachikkunata, paktachikun, paykunapa kawsayta allyman apashpa katimunajun.

## **2. Ima rikuna kapan kay villachik fanga hamutangapa**

Hatun villachik Ecuador mamallaktaman chayarka 20 pusakniki killa jipa ( Asambleaapa hatun pushakkuna taringapa punlla jipa). Shinapimi, nara Ecuador mamallaktamanda tayta presidenteta tarik punlla chayamukpira, Hatun villachik trigramuna tukurka (Segunda vuelta nishkataka 15 chunkaniki killapimi rurarigrin).

Ecuador mamallaktamanda Tayta presidenteta taringapa ninan rimaykunami uyay usharirka. Debate electoralpi, shinallata, villachik antakunapipash, uyayta usharishka ima “inseguridad” nishkata, ima “violencia política” nishkata, sumakta mirarikukta. Kay llakikunata ashta rikuy usharirkami 9 chunkaniki killapi. Kay punllapimi Fernando Villavicencio wanchi tukurka Kitu llaktapi. Paymi Ecuador mamallaktapa presidente tukungapa shayarirka candidato tukushpa. Shinapish wanchik tukurka.

Hatun villachik hamutanmi imashna kay llakikunata mirarishpa katijun. Rikurikta usharinmi wanchishkakunata mirarishkata, shinallata rikurikta usharin imashna narcotráfico shinlli shayarishpa katimushka kunangaman.

Shinapash, mana shinlli kamachikkuna rurashpalla, kay llakikunaka chingarichingachu. Gulpi llakita rikushpami hamutay usharinga imashna kay delincuencia nishkata viñarin, may runakuna wakchalla kawsanakun kay llakikunamanda.

Kay llakikunataka chaypillata payllata tigramujun. Mana maypi llankay charikmanda wambrakunapash bandas nishkakunaman yaykunakun, shinallata contrabando nishkaman paykunaka yaykunakun. Na shuck ñandakunata charikmanda, wambrakuna alykachishpami kay llakikunata rikuy kallariimunakun.

Inseguridad mirarishkamanda wakchakunapash mirarinajun. Vacunador nishkakunami, pikuna paypa negociota churarinakukpi, na viñachun sakinakunllu. Shinallata manllaymanda wakin taytakunaka paykunapa churikunata, ushikunata yachay wasimanda llukchimunakun . Chay manllaywanmi wakinkunaka llankay illak nishpa, manllanay kan nishpa, shuck llaktakunaman rinakun. Estados unidosman rinakunkunata mirashkata rikuy ussharin.

2021 watamanda, kunangaman, 280.000 runakuna llukshishka kay Ecuador mamallaktamanta. Wakinkunaka maykan ñandatapash katishpa, uku sachakunatapash yalishpa, rinakun shuk llaktakunaman chayangapa. Shinapash, kay hatun llakita chingachikta ushariringa gentekunata aydashpa. Wambrakunata aly kawsayta tarichun aydashpallami kay llakikunataka chingachikta ushariringa.

Kay 20 pusakniki killa eleccioneskunata rurashkamanda rikuchishkami imashna kay extractivismo nishkata tukurikukta. Chay punllapimi gulpi ecuadormamallaktamanda runakunatami tapurirka si katikta katinakapan kay petróleo llukchichiskakunawan Parque Nacional Yasuní llaktapi<sup>4</sup>. Shinallata tapurirkami si katina kapan mineral maskaykunawan Choco Andino laktakunapi, Pichincha markapi.

13 hachu hachu runamandami, chaupiyalik<sup>5</sup>runakunami ñana katina kan kay petróleo llukchikunawan nishka chay hatun tapuypi. Shinallata ashtawangarin chaupi yalik<sup>6</sup> runakunami na mineralkuna maskay katichun munan Chocó andinopi nishkami kay hatun tapuypi.

Kay hatun tapuy rikuchinmi imata gulpi Ecuador llaktamamanda runakuna mañanakun: Shuck mushuk ñanmi maskanakapan, kay extractivismo washapi sakingapa. Chayta rikushpami, Hatun villachikka kay allpamamamanda llakikunataka alyta rimangapa nishpami tiarirka pi na alikachin kay industria extractivakunawan.

---

<sup>4</sup> Kay tapuyimi bloque 43 del Parque Yasuni nishpami tapujurka. Shinallata kay llaktaka Yasuní Ishpingo-Tambococha-Tiputini. (ITT) nishpami riksirin.

<sup>5</sup> 58,95 por ciento español shimipi nikpika

<sup>6</sup> 68 por ciento español shimipi nikpika

Chimborazo markapi, shinallata Pastaza markapimi, kay rimaykunapimi wakin runa ayllu-llaktakuna villarka imashna kay proyectos mineros nishkakuna alpamamata wanchichinajun, yakumamatapash imashna tukuchinajun. Villashka imashna ña na tarpuyta usharin kay llakikunata rikushpa.

Shinallata wakin pushak kuna rikuchirkami imashna kay proyectos mineros, legal kashpapash, ilegalkashpapash, paykunapa kawsayta wanchichinajun. Kay pushak kuna ashtawan riksichirka proyecto a gran escala “Fruta del Norte” shutichishkata. Kay proyectoka Lundin Goldpami kan nishpami villarka. Shinallata riksichirka proyecto minero a cielo abierto “Mirador” shutichishkata, kay charkakunaka antata, curita llukchingapami kan Zapoma-Chinchipe markapi nishpami villarka. Mirador charkaka Ecuacorrientes Sapami shutichishka kan nishpami villarka. Kay ishkay llakikunami asha asha Shuar runakunapa kawsayta tukuchinajun nirka.

Shuck charkakunapash kay ishkay llakikuna ñandallata katimunajun nin, ningapaka, Pangua llaktapi Cotopaxi markapi, La Merced de Buenos Aires llaktapi Imbabura markapi, shinallata Las Nave llaktapi, Bolivar markapi. Kay llakikunashnalla shukunapash tian.

Ninan llakikuna tiaymanda, Hatun villachik na gulpikunata rikuy paktaparka. Shinapash rikuyta ushaparkami imashna kay gulpi llakikunapi gulpikunapillata na artículo 398 mama Constituciónmanda paktachikun, shinallata Ley de Minerías de 2009 mañaykuna mana paktachingapa munarin. Chayta mana paktachishkamanda kay llakikunapash katishka kunangaman mana uyashpa runa ayllu-llaktakunapa munashkata.

Kaykaman llakikunata chingachingapa mushuk desarrollo jahua yuyaykuna minishtipan. Ama petroleo llukchinatalla minishtingapa. Ama kiru kaspitalla minishtingapa. Imata kunangaman rurarishka wakcha kawsayta chingachingapa ñana katina ñanda kanllu. Kunanga, mushuk ñandami maskana kapan aly kawsayta taringapa.

### **3. Wakcha kawsay, alykawsay taringapa jahua yuyaykuna**

#### **3.1. Ima ñandata kay llakikunata katijun**

Kay llakikunata 2008 watapimi rikuchishka “Experto Independiente sobre la cuestión de los derechos humanos” pushak. Paymi rikuchirka imashna gullpi Ecuador mamallaktamanda runakunaka 34,97%mi wakcha kawsayman yaykumushka. Shinallata chay gullpimandallataka16,45%mi shinlli wakcha yalik kawsaypimi purinajun, viyashka kay yachay pushak.

2003, 2009 watakunapimi ashtawan mirarirka wakchakunaka (Shuk watapika 49.9%, chayshuck watapika 36%). Shinapash 2017 watapi 21.5%kaman uriachikta paktarishkami. Shinapash, pandemia llakikunawanga chay uriajuchishkataka kay ñandataka shayachishka. Chaymanda wakchakunaka 8 puntos porcentualeswan mirarishka 2019 watawan rikushpa (25%), shina chay ñandallata katishpaka ñakutin

2020 watapa 33% kaman chayashkata rikuy usharishka (5.653.071 hachu hachu runakuna)<sup>7</sup> kay nivel de pobreza nishkata.

2023 watapi, Inti killapi, INEC maskana wasimi rikuchirka<sup>8</sup> imashna na kullki tarikmanda wakchakuna 27% kaman chayashka. Chaytallata rikushpaka 18% mi hatunllaktapi taririn, shinallata 46,4% ka ayllu-llaktakunapi taririta usharin nin. Shinlli wakchapi kawsaykunaka 10,8% kamanmi chayashka. Chaymanda ñakutin 5,2% mi tarikta usharin hatun llaktakunapi, shinallata 22,6% ayllu-llaktakunapi. Chay gulpimanda ñakutin wambrakuna, kuitsakunami ashta llakikunawan taririn: 2022 watapika 34,44% kuitsa/wambrakunaka (15-24 wata charik kuna) wakcha kawsayman yaykushka.

2023 watapi inti killapillata, Índice de Gini<sup>9</sup> nishkata, gulpi Ecuador mamallaktapaka 0,467 kaman chayashka. Ñaupá watawan rikushpaka ashalla mirarishkata rikuy usharin (0.453). Hatun llaktakunapika 0.440 kaman chayashka, 0,005 wan mirarishpa. Ayllu llaktakunapi ñakutin 2022-2023 watakunapimi, asha mirarishkata rikuy usharishka (0,047). Kay índice nishkata yalishkami 0.432 manda 0.479 kaman. Kay gulpi llakikunata rikushpami Ecuador mamallaktamanda gobiernoka gulpi familiakunta aydana kapan, paykunallata sharichun. Mana gulkunallata alyta kawsayta tarikpika, mana crecimiento económico nishkatapash tariringa.

Pobreza multidimensional<sup>10</sup> nishkataka 2009-2017 watapika 51,5% manda 34,6% kaman uriajushka gulpi Ecuador mamallaktapi. Shinapash tasa de pobreza extrema multidimensional nishkataka hay ñandallata katishka, 28,6% manda uriajushka 14,2% kaman chay watakunapillata. Shinapash hatun llaktakunata ayllu-llaktakunawan rikushpaka manllanay llakitapacha rikuchin. 2022 watapika pobreza multidimensional 38,1% kamanmi chayashka gullpi Ecuador mamallaktapi, chaymanda ñakutin hatun llaktakunapi chayashka 23,2% kaman, ñakutin ayllu-llaktakunata rikushpaka 70,1% kamanmi chayashka. Chay watapillata pobreza extrema multidimensional nishkataka 16,6% kamanmi chayashka. Chaymandaka 5,1% mi rikurishka hatun llaktakunapi. Ayllu-llaktakunapika ñakutin ñakutin 41,3% kaman chayashka.<sup>11</sup> Gobiernomandami hatun compromisota jahirishkami 70% manda 55% kaman uriajushka kay índice de pobreza multidimensional nishkata. Ashtawangarin runa ayllu-llaktakunata, afroecuatorianos runakunata, minishtishka gentekunata aydashpa. Shinapash na kay compromisotaka paktarita ushaparigrinllu yarin. Ashtata rurana tian yakumanda, saneamiento nishkamanda, wawakunapa yarjay kawsay llakikunata, llankay kamachickuna, seguridad social nishkata, yachaywasiman yaykungapa llakikuna, wasipi kawsana llakikunatapash.

Ecuador mamallaktapi na gullpi markakunaka aly kawsayta taripanllu. Morona Santiago markalla (Amazonia llaktapi) ashta minishtishka markami kan gulpi Ecuador

---

<sup>7</sup> Ayala, J., Correa -Marquinez, L. C., y Campuzano Vásquez, J. A. "[Indicador de pobreza por ingreso en Ecuador y el efecto Covid-19, del 2010 al 2020](#)". Revista Sociedad & Tecnología, 4 (2), (2021). p.248-264.

<sup>8</sup> INEC, "[Encuesta Nacional de Empleo, Desempleo y Subempleo \(ENEMDU\), Pobreza y Desigualdad](#)", Boletín Técnico N° 12-2023-ENEMDU, (Quito: INEC, 2023).

<sup>9</sup> Índice de Gini rikuchin imashna mama llaktakunapi desigualdad de ingresos nishkata tian.

<sup>10</sup> Pobreza multidimensional nikipika rikunajunchimi na kulkitalla. Kay nishkawanka wakcha rikurin jambita illak, yachaywasiman narishkata, imashna wasipi kawsajun...shinalata shuk kunatapash.

<sup>11</sup> Ibid.

mamallaktamanda markakuna. Kay markapimi tasa de pobreza por ingresos nishkataka 65.8% kamanmi chayan. Shinallata kay markapika llankaytapash illashpaka na seguridad rikuchikta paktan (100 runakunamandaka 13kunallami salario básico nishkata hapipan). Morona Santiago jipaka Pastaza markata taririn (kay markapika tasa de pobreza por ingresos nishkataka 64.53% kamanmi chayan), chay jipaka Napo marka(63.87%), Orellana marka (59.41%), Sucumbios marka (54,45%), shinallata Esmeralda marka (50,22%). Kay markakunapika yakutapash, sanemiento nishkatapash, ñuku shitanatapash, michaktapash, na gulpi runakunakaman chayamunllu.<sup>12</sup>Pastaza markapipash, Napo markapipash nara aly indicador nishkakunata charinllu. Índice de Gini rikushpaka 0.58kamanmi chayan.

Aly ñandata japingapaka tupuna ñanmi katina. Chaywanmi políticas nishkakunatapash shinllirita usharinga. Hamutayta ushariinga imamanda wakin grupos vulnerables nishkakunata llaki kawsayta tarinajun. Chaymandallata maskana kapan datos desagregados<sup>13</sup> nishkakunata, shinallata shayarina kapan indicadores de derechos humanos<sup>14</sup> nishkakunata. Kay ñandata katikta usharin INECta shinlliyachishpa. Kay llankayka allí rikuchinami mashna watata charishkata, Karykay/warmikay kashkata<sup>15</sup>, maypita kawsanajun, antecedentes nishkakunatapash (alyta hamutangapa imashna kawsanajun runakunapash, afroecuatorianoskunapash, montuvioskunapash), shinallata rikuchinami ima llankanajushkata, allpata charishkata, nacharishkata, shinallata maypita kawsajun (hatun llaktapi/ ayllullaktakunapi). Kay ñandata katishpa hamutayta usharin ima grupo demográfico<sup>16</sup> nishkakunatami minishtin ashtawan aydaykunata, chashnami políticas públicas<sup>17</sup> nishakunami shinlli tukunga wakcha llakikunata chingachishpa.

### 3.2.Pi ashta kay llakikunata rikunajun

#### a) Warmikuna

Kay llakikunataka ashtawan shinllimi warmikunata waktan. 2022 watapika wakcha kawsay uriajushka karykunapapash, warmikunapapash (karikunapa 28.21%manda 24.66% kaman uriajushka, shinallata ñakutin warmikunapaka 29.46%manda 26.22%man uriajushka), shinapash 1.56% wanmi yalishkata rikuita usharin. Kay yalishkata hamutay usharin warmikunapa llakikunata rikushpa. Ningapaka llankay ukupi llakikuna, mana karikunashnalla kullkita hapikmanda, mana pagashkata llankaymanda, shinallata cuidana responsabilidadkuna paykunamanlla sakishkamanda.

Gullpi warmikunamandaka 15.5%kunami mana yachaywasita katishka, shinallata llankay illakmi kan. Kay yupaykunaka karykunatami yalin, shinallata ashtata mirarin

---

<sup>12</sup> Andrés Mideros Mora and Nora Fernández Mora, "[Brechas Estructurales en el Ecuador: barreras para el desarrollo](#)", Pontificia Universidad Católica del Ecuador, Instituto de Investigaciones Económicas-PUCE, OPSA, Friedrich-Ebert-Stiftung, (Quito: 2022).

<sup>13</sup> Yuyay maskana rurakukpimi datos desagregadosmi nin ima ima rikushkata. Nikpika, kari kashkata, warmi kashkata, mashna watakunatata charin, etc..

<sup>14</sup> Indicadores de derechos humanos nishkakunataka minishtirinmi yachangapa imashna kamachik kuna paktarijun.

<sup>15</sup> Kay rimaykunawanmi "genero"ningapa munapanchi.

<sup>16</sup> Paypura tandarishkakuna. Ningapaka casarashka kashkakuna, wambrakuna, kuitsakuna, runakuna etc..

<sup>17</sup> Ima gobiernomanda rurarishkakuna aly kawsayta taringapa.

privado sector llankakpi. Kay llakikunata hamutay usharin mana paykunata aydaykuna tiashkamanda, mana kulkita hapishpa llankaymanda, shinallata ima ruranakan karykuna, warmikunata<sup>18</sup> punda yuyaykunamanda ashtawan shinlichiska normas patriarcales<sup>19</sup> nishkakunawan.

Tasa de pobreza multidimensional nishkata Runa warmikunapa 78.1% chayán, montuviakunapa ñakutin 57.3%, shinallata kuitsa warmikunapaka 45.8% kaman chayán. <sup>20</sup>Ñakutin runa wawakunata rikushpaka 83%-85% paykunamandami pobreza multidimensionalidadpimi kawsan. Paykunami ashtawan gullpi llakikunatami taripan.<sup>21</sup> Ruku yayakunata rikushpa ñakutin, ruku warmikuna pobreza multidimensionata rikushpaka 58.4% kaman chayamun (Montuvia rukumamakuna), runa ruku mamakuna ñakutin 52.5% kaman, shinallata afroecuatorianas hatun mamakunapika 20,6% kaman chayán. Karykunapa ñakutin chay grupokunapillata yupaykunami 50,2%, 42,2%, 18%. Kay yupaykuna rikuchinpash imashna karykuna warmikunawan shuk llakikunata tuparin. Hatun yayakunaka 65 watamanda ashtawan wakcha kawsayman yaykun.<sup>22</sup>

Shinapash, sociedad civilmanda rikuchin imashna warmikunaka mana kullki mañachinakunata tarik ushan. Coalición Nacional de Mujeres del Ecuador (CNME) rikuchin imashna gullpi karykunamanda 24% karykunaka kullki mañachikta tarik paktamunlla. Shinapash gullpi warmikunata rikushpaka 18%llami chay kullki mañachita tarik paktan.

Kullki mañachikta taringapa asha shinllimi kan warmikunapa, ashtawangarin ayllu-llaktamanda warmikunapa. Chaymanda Comité para la Eliminación de la Discriminación contra la Mujer (CEDAW) ñami rikuchishka 2020 watapi “warmikunaka mana tarik usharin kulki mañachikta, chaymanda na allpatapash tarik ushan, mana antakunatapash randin ushan paykunapa localkuna mirachingapa.”

Kullki llakikunaka mirarin mana seguridad social tiashkamanda. 2021 watapimi 3 runamandaka shukllami seguridad social charishkami. Warmikunapaka chay llakillata rikushkapaka 30.2% chayapan, 31.7% karikunapa ñaupapi. Runa warmikunata rikushpa ñakutin 15.4% kamanmi chayán, kuitsa warmikunawan shinallata 12.1% kamanmi chayán.

Ashta shinlli llakita rikuchishka CEDAWmanda 2022 watakunapi. Paykuna riksichirka imashna ñambipi warmi katudurkuna llankanakun seguridad social nishkata illak. Kay Comité nirkami imashna hatuk Estadomanda “paktachingapa aydana kapan kay warmikunata paymanllata llankachu o shinallata ñambipi jatushpa. Chay aydaykunawanmi paktana kapan paykunapash charichun aly serviciokuna ashalla kulkiwanpash, shinallata paykuna wawakunatapash paktchun aydana kapan. Chay aydaywan ruku ayllukunatapash paykunaka aydangapa paktachina kapan, shinallata llaki irki tarishka ayllukunata aydaita kamachikta charin. Chaywanmi ima yanga

---

<sup>18</sup> Español shimipi nikipika “roles de género nishpami riksín”

<sup>19</sup> Patriarcado nikipika ima harikunapalla yuyarishkakunata, minishtishkakunata katirishkata jahua podermanda.

<sup>20</sup> Fuente: INEC – ENEMDU. Rondas de diciembre.

<sup>21</sup> Pontificia Universidad Católica del Ecuador - Instituto de Investigaciones Económicas [PUCE-IIE], 2022.

<sup>22</sup> Id.



lankashkata na kulkita tarishpami shayarikta usharinga. Shinallata kay warmikunaka minishtin pensiones nishkata”.

Warmikunata llakichishkata warmi kaymandallaka<sup>23</sup> sumakta shayachin paykunapa kawsayta, wakcha kawsaymanmi apan kay llakikunaka. Wakcha kaymandallami warmikunapaka ashta violencia nishkata tarin. 2019 watapimi Encuesta Nacional sobre Relaciones Familiares y Violencia de Género contra las Mujeres rikuchishka imashna gullpi warmikunamanda 56.9%mi maltrato psicológicowan nishka tuparishka, shinallata 35.4% gullpi warmimanda waktay tukushka. Shinallata gullpi warmimandaka 32.7%mi abuso sexualta rikushkami nin.<sup>24</sup>

Ashtawangarin, 15 watak charimanda kuitsakunami abuso nishkatami tuarishka, shinapipash 2%-20%kunalla paykunamanda denunciata churashkami nin.<sup>25</sup> Ashta hamutngapaka patzak warmimandata 65kunami ima kay llakikunatami tuparishka. Gullpi Ecuador mamallaktapika 5.785.295 warmikunami 2019 watapika kay violencia de genero nishkata tuparishka psicológica kashpapash, física kashpapash, sexual kashpapash, kullkimanda kashpapash. Chay gullpi warmikunamanda ashta llakikunata rikunajun runa warmikuna, afroecuatoriana warmikunapash INEC nishkapi.

Shuktapash villachishpa, afroecuatorianos ayllu-llaktakamanda kuitsakunaka ñapash karangapa atichin paykunapa ayllullata. Gullpikunamanda 2.1% kay llakita tarin. Shinapash afroecuatorianas warmikuna kay llakikunata rikushpaka 4.5% kaman.<sup>26</sup>

Gullpi llakikunata rikushpami hamutay usharin warmikunapa kawsay. Maypita kawsanajun, yachaywasiman yaykushka/na yaykushka, maypita llankajun, charin/na charin kullkita. Kay gullpi nishkakunatami rikuna kapanchi aly ñanda katingapa. Ashtawangarin wakcha comunidadkunapi llankana tukun kay llakikunawan.

## **b) Afroecuatorianoskuna, ayllusuyu runakuna<sup>27</sup>**

Afroecuatorianoskuna, runakunapash, ashtawanmi kay wakchamanda llakikunata rikunajun. Runakunapa wakcha kawsayta rikushpallami mirarishka 52.60%manda 54.26% kaman 2021-2022 watakunapi. Shinalla afroecuatorianokunaka ashtawan shinllila rikunakun kay llakikta. Gullpi afroecuatorianokunamandaka 33.77%kunami wakcha kawsayman yaykushka. Kay llakimi rikunajun llankay illakmanda, ashalla llankaymanta kullkita tarikmanda, shinllata racismo y discriminación institucionalizada nishkmnta.<sup>28</sup>

---

<sup>23</sup> Español shimipika violencia de género nishpami riksin

<sup>24</sup> Instituto Nacional de Estadística y Censos. Encuesta nacional sobre relaciones familiares y violencia de género contra las mujeres. INEC. Quito, Ecuador. 2019. [Boletin\\_Tecnico\\_ENVIGMU.pdf \(ecuadorencifras.gob.ec\)](https://inec.gub.ec/Boletin_Tecnico_ENVIGMU.pdf). [Ref list]

<sup>25</sup> Naciones Unidas Ecuador (2023), página 22 [https://ecuador.un.org/sites/default/files/2023-03/PPIG\\_Resumen%20ejecutivo\\_2023.pdf](https://ecuador.un.org/sites/default/files/2023-03/PPIG_Resumen%20ejecutivo_2023.pdf)

<sup>26</sup> CONAMUNE and FES, Diagnostico de la situacion socio-economica de las mujeres afroecuatorianas en el territorio ancestral de Imbabura y Carchi, 2021.

<sup>27</sup> Rimarishpaka pueblos y nacionalidades nishpa riksinchi. Shinapash Diccionario Kichwa/ Kichwa Yachakukkunapak Kamukpika shinami shutichishk Ministerio de Educaciónmanda.

<sup>28</sup> Racismo y discriminación nishkaka ama ima aydayta o respeto nishka richichishkata yana kaymandalla, runakaymandallami riksin.

Shinallata runa ayllu-llaktakunaka paykunapa allpamanda kamachikkuna charin. Tayva villachikmi rikuchirka imashna Corte Interamericana de Derechos Humanos nishkta, *comunidad kichwa de Sarayaku vs. Ecuador llaki jahuapi*, kunankaman na gullpita paktachichishka. Chunga watakunata yalishkapipash nara paykunapa alpa kamachik kuna, runakunaman villana kmachik kuna nara paktachichishka ama paykunapa "identidad cultural" nishkata, "bienes comunales" nishkakunata llakikunaman yalishun nishpa.<sup>29</sup>

Ecuador mamallakta, kay runa-ayllu llaktakunapi, tukyachinakuna churashkamanda hatun Cortepash, na kamachik kunataka rikunakun nishpami villashka. Kay llaki rurashkamanta Sarayaku runakunata kawsaymi "serio peligro"ta rikuchishkami nirka. Convención Americana sobre Derechos Humanos kamachikkunata rikushpaka mana paktachijun articulo 4(1) (mana pipash kawsayta anchuchita ushan), shinallata articulo 5(1) (derecho a la integridad física, psíquica y moral, español shimipi nikpika) nirka.

Cortemandapash rikuchirka imashna Ecuador mamallaktamanda runakunapa yuyaykunapash katinami kan,pykunata uyashpa, gullpi petróleo llukchichina llankakunapi. Shinallata imashna runa ayllu-llaktakuna kay Consulta Previa Libre e Informada kamachikkuna charin rikuchirka.<sup>30</sup>

Mana mama Constituciónwanlla paktachita usharin kay Consulta Previa Libre e Informada kamachik. Kay yuyay katikpashpa, Artículo 57(7) mi nijun: Consulta Previa Libre e informada kamachikka rurana kan aly pachakunata rikushpa (Mana ashalla pachawan), shinallata kay tapuyimi rurana "planes y programas de prospección, producción y comercialización de recursos no renovables"jahuapi, runakunapa allpata, cultura jahuapi,may llakikunata rikurikpi". Kay kamachik jahua rikukpika nara paktachijunllu Declaración de 2007 sobre los derechos de los pueblos indígenas fangata. Chaypimi articulo 10 -11, 19, 28 - 29 shinallata 32pimi imashna runakunapa "Consentimiento libre, previo e informado" nishkata paktachinami kan nishpami villakun ima paykunapa llakikunata rikurikukpi.

Chay ñandallata katikun Organización Internacional del Trabajo Runakunapa fanga 1989 wata paktachishkata (169 yupay).<sup>31</sup>

Hatun villachikmi, kay ñandata katina kan nishpami mañakun: Decreto Ejecutivo 754mi llakikunata rikuchijun Reglamento al Código Orgánico del Ambienteta enminda churashkamanda. Corte Constitucionalpash chaytaka shayachishka 31 punlla kanchisniki killapi 2023 watapi. Chay jahua rikushpami aly tukuchu llankanata tyian.

Shinapash, chaytaka na gullpichu,runa ayllu-llaktakunaka kamachik kunami charin. Morona Santiago markamanda, Pastazamanda ashtawanpash minishtishkakunami charin: Jambinata, Yachaywasiman yaykuna kamachik kuna, llankana taringapa kamachikkunami paykunaka charin. Paykunawan tandanajushpami Hatun villakchiman rikuchirma imamanda paykunapaka hatun yachaywasiman yaykunata llakikuna, anchuchinapacha.

---

<sup>29</sup> Sentencia de 27 de junio de 2012 (Serie C, núm. 45).

<sup>30</sup> Id., párrs. 300-301.

<sup>31</sup> Español shimipo nikpika Convenio sobre Pueblos indígenas y tribales de a Organización Internacional del trabajo (nr. 169)

#### 4. Ama llakikawsayta tarichun nishka aydaykuna

Ecuador mamallaktaka paypa gullpi PIBmanda<sup>32</sup>churan 9.6%ta ama llakikawsayta tarichun nishka aydaykuna. Chaypimi jambikunamandaka 4.4%ta rikuy usharin. Chuk aydaykunaka ñakutin 5.2%kamanmi chayan. Shinapash, gullpi Abya Yalata rikukpika ashalla rikurin (chaypimi 14% PIBpi muyurikta rikuy usharin)<sup>33</sup>

Chay jahua rikushpaka ñakutin, mana wawakunapa aydaykunata churarin, shinallata pi llankangapa munanajunkunaman. Gullpi aydaykunamandaka hatun 65 yali watak chari yayakunapimi tukurin. Paykunaka 8%talla gullpi runakunamandami kan.<sup>34</sup>

##### 4.1. Imashna kay aydanakunata kullkiwan shayarichin Ecuador mamallaktapi

Aydaykunaka ayllukunapa jambitapash kun Ecuador mamallaktapi (*Seguro General de Salud Individual y Familia nishkata*), shinallata ima llankakpi llakikunatapash tarikpi (*Seguro General de Riesgos del Trabajo nishkata*). Shinallata tian ñana llankay ushashka ruku yayakunapa aydaykuna. Ña na llankay ushakkunaman aydaykunapash tyian.

2019 watapika, kimsa llamkak runakunamandaka shugulami kullkita churajushka kay aydaykunapa. Chaymanda paykunaka charishkami kay aydaykuna. Ashta warmikuna ñakutin kay aydaykunataka na charishka, llamkajushpapash.<sup>35</sup>

Aly ñandakunatapash rikuy usharinmi kay aydaykunapi jahua. Nikpika, pundamanda pi na kay aydaykunaman yaykuy ushashkakunatami Programa de Afiliación Voluntaria del Seguro Socialwanmi (Seguro Voluntario nishkata) pungukunata paskarishka. Kay Seguro voluntariowanmi paykunapash aydayman yaykuyta ushan. 2023 watapilla 217.126 informal llamkak runakunami chay programanmi yaykushka.

Allpamanda llamkakkunapash kay aydaykunaman yaykuyta ushan Seguro Social Campesino nishka aydaykunawan. Kay Aydaymi hachu hachu runakunatami aydakun. Shina shayarikta ushrishka sector formalmanda aydaykunawan, shinallata impuestokunamanda, shinallata incrobishkakunamandatapash (paykunami 2.75\$ killapimi churan).

Pi wasipi aydajushkakunamanpash kay aydaykunaka chayan (trabajadores no remunerados del hogar nishkakuna), paymanmi Ecuadormamallaktaka aydajun mashna kullkita kapinajun rikumushpa.

---

<sup>32</sup> PIB español shimipi nikika Producto Interno Bruto nishpami riksin.

<sup>33</sup> Oficina Internacional del Trabajo, "Informe mundial sobre la protección social 2020-22: Informe complementario regional para América Latina y el Caribe". Ginebra: OIT, 2021.

<sup>34</sup> UNFPA, "Panel de población mundial Ecuador", disponible en <https://www.unfpa.org/data/worldpopulation/EC> (consultado el 4 de agosto de 2023).

<sup>35</sup> OIT, "World Social Protection Data Dashboards" disponible en <https://www.socialprotection.org/gimi/WSPDB.action?id=19> (consultado el 4 de agosto de 2023).

Kay gullpikunata rikujushpa nita usharin imashna kay aydaykunata minishtirin llamkak runakunapa aly kawsayta taringapa. Shinapash, ashtawangarin, mana hatun tukuchuntalla rikunakapan kay aydaykunataka. Asha asha gullpikunakaman kay aydaykuna chayachunka ashtwan yuyaykunami minishtiringa (2019 watapi Ecuador mamallaktaka 1580 hachu hachu dolarkunatami churashka).<sup>36</sup>

#### **4.2. Imashna kay aydanakunata kullkiwan illak shayarichin Ecuador mamallaktapi**

Pi na kay aydaykuna charishkakunaka asistencia social nishkatami charin. Kay gobiernowanmi ashtawan hatuyachishka kay aydaykunataka. 2020 watapilla 500 hachu hachu dolakunami churarishka *Bono de Desarrollo Humanopa (BDH)*. Kay aydaykunami chayakun pi kulkiwan na kawsayta paktanajushkakunaman. Paykunamanda ñakutin 30%kaman aydayta paktarishka, tercer decil nishkakaman ashta minishtishkakunaman chayamushpa.

2022 watapimi 1200 hachu hachu dolarestami Ecuador mamallaktaka churarishka kay asistencia social nishkapa. Chaypimi 80% ashta minishtikakunamanda, 625.000 wasikunamanmi aydaytaka chayashkami.<sup>37</sup>

Ashtawangarin, BHD nishkaman yaykungapaka, 2021 watapimi mana ima kullkiwan minishtishpa cuenta bancaria nishkata paskanallami. Chay cuentapimi ñakutin chaymun BHDmanda kulki. Kay yuyaywanmi ña na bancoman shayarishpa shuyangapa rina tukun. Kay mushuk yuyaywanmi ña 20%kamanmi chayajun pi kay serviciota charishkakuna.

Shinapash llaki anchuchikunataka tianra. Kay asistencia socialta hatukchishpapash, nara gullpi minishtishkakunaman chayayta usharishkachu. Kay llakitami hamutay usharin rikushpa imashna kay Unidad de Registro Social nishkata, na gullpi llamkangapa minishtishkakuna charishkaypi. Chaymandami na maypita minishtishkakunapacha kawsanajun tarikta usharin.

2020 watapimi rurarishka shuk maskayta, rikungapa mashnakunami kay BDHta na tarimunajun mandaymanda. Chaypimi gullpikunamandata 48%mi na BHD kapinakun hamutayta usharishka. Ashtakuna kay aydaykunaman yaykuchun munakpika, kamachikkuna kan nishpami rikuna kapanchi. Ama exclusión nishkata tiachunmi alyta villana kapan pikuna hapikta ushapan kay aydaykunata, paykunata kayamushpa, aly hamutachun ima aydaykunata tian nishpa (Shuk shimikunapipash villana kapan). Shinallata rikuchina kapan imashna paykuna reclamota churay usharin pandaykuna tuparikipika.<sup>38</sup>

Ñakutin shuk llakikunata rikukpika nita usharin imashna kay aydaykunataka na alytapacha wakcha kawsayta chingachijunllu. Shinallatapash na mushuk

---

<sup>36</sup> En 2009, el 51% de los subsidios estatales fueron al decil más rico y sólo el 6% a los cinco deciles inferiores (Ruth Alicia Lucio Romero, "Hacia un sistema universal de protección de pensiones – Ecuador", Compartiendo experiencias innovadoras: Experiencias exitosas sobre pisos de protección social, OIT, Academia Global de Desarrollo Sur-Sur y PNUD, 2011, pág. 244).

<sup>37</sup> Datos proporcionados por el FMI.

<sup>38</sup> Para obtener más orientación, consulte A/HRC/50/38 (2022).

wakchakunapa llakikunata rikurin. Mana paypa minishtishkata imashna kawsay minishtishkata mirarin washa washa katikunllu.

Chay jahua ñakutin ningapallata, INECmanda 785,47 dólaresmi minishtirin killapi kawsangapa nishka pusakniki killapi, 2023 watapi. Chaywan kawsayta usharirinmi 4pura ayllupi CFBta randishpa (Canasta Familiar Básica). Shinapimi ñakutin BHDmanda 55 dolarestami kushka wakchakunaman killapi kawsachun. Shinapash paykunaka 88 dolarestami minishtishka kawsangapa. Shinallata kujushka pi pobreza extremapi kawsanajushkakunaman (Paykunaka 50 dolareswan killapimi kawsan). Kay pobreza extremakunaka 270.000 ayllukunami tiashka 2023 watapi. Kay aydaykunaka 150 dólareswan kawsaykunami chayashka. (Kaytaka BDH “variable” nishpami riksirin).

## **5. LLamkakkunapak kamachikkuna**

Hatun villachik alyktami rikujupan imashna kay administraciónpimi salario nishka ashtawan mirarishkata. Kunanbimi killapika 450 dolarespimi churashka kapan. Shinallata kay chunka watapika miraringapa munarin 25 dolareswan wata watapi. CFBwan rikushpaka nara alytapachami kan, ashtawan mirachinara, shinapash aly ñanmi kan llamkak wakchakunapa llakikuna anchuchingapa.

Kay yuyaykunata rikushpaka, ima llamkanapipachami legislación laboral nishkata paktachichun. Ministerio del trabajo y Empleo mandaka, shinallata nstituto de Seguridad Social nishkapika, 140 llamkana chapakunami tian gullpi Ecuador mamallaktapa. Shinallata 100 seguridad social chapakunami tian nin. Gullpi Ecuador mamallaktapika tian 18 hachu hachu runakuna, chayta yakpika na paktanasnalla rikurinmi. Kay chapakuna illakmandami hamutayta usharin imashpata kay legislación laboraltaka na paktachita usharijupan, informalpipash, formal llamlaykunapipash.

Caso Furukawallata rikushpami hamutay usharin imashna kay llakikunata na katikpika may llakikunakaman chayayta usharirin. Kay casopika Procedimientos Especiales del Consejo de Derechos Humanos pash tiarkami. Chaypimi rikuchirirka imakta na alyta aparijushkata, ashtawangarin agroindustriakunapi: Furukawa Pantaciones CAMi esclavo kuidashnalla charin kashka paykunapa llamkakkunata. Kay empresaka Japonmandami kashka nin. Chay llakikunamanda ñakutin shuk denuncia penalta churashpa, extorsionpash tianmi nishpa llamkakkuna ayllukuna shayarishka.<sup>39</sup>

Shinallata kay llakikunataka tarikta usharin wakin haciendakunapi, ningapaka: Tapiamba (Chaypimi viruta parpun), Tulcisán (Chaypika palltami tarpun kashka), Chamanalpipash (chaypika sarata, porotota tarpun. Kay llakikunamanda chayarka villachishkakunatapash.

Kay villakunapimi nijun imashna afroecuatoriano ayllukunalla llamkanajun yapa asha kullkita rikujushpa. Shinallata chay casokunapika 12 watamanda wawakunapash llamkanakun nin. Kay llamkayka kullkita mañachishkamanda na paykunapa llamkana kamachikkuna paktachikupan, servidumbre nishkata kuinta.

---

<sup>39</sup> Consulte <https://spcommreports.ohchr.org/TmSearch/RelCom?code=ECU%2013/2019>.

Hatun villachikmi saludoskunata kachapan tayta presidente Lassoman paypa compromiso rikuchishkamanda. Shinallata saludoskunata kachan paypa katik pushak, tayta Henry Valencia, Trabajo y Empleo ministeriomanda, paykunami kay casokunata investigangapa shayarinajun.

## **6. Imashna kuyuchina usharin charishkakuna llaktapitalata.**

Hatun villachikmi ashtawan recursokunata churachun Ecuador mamallaktata cumbidapan wakchakunata aydangapa. Wakin llakikunataka shayarikta usharin kullki illakpipash. Ningapalla: Yachay wasikunapimi imashna yachachinajushkata shinlliyayta usharin, plan de estudiosta shinllichishpallata. Shinallata aydaykunataka alyguta hamutashpa pikunaman chayachun aydaykunataka shinllichingami.

Shuk ñandatapash katin tukun, chaypimi ñakutin recursos nishkakunatami minishtiringa. Chayta rikushpami Ecuador mamallaktapa fiscal parteta na ushaskata rikuyta usharin: kuya killapi 2022 watamipi FMImanda yalichishka shuk Servicio Ampliado del Fondo nishkata Ecuador mamallaktapa. 27 killapimi rikuyta usharin 4.615 hachu hachu dolaresta DEG nishkamanda (chaytaka 661% cuotamandami kapa, dolarespika \$6.500 hachu hachu kullkimi kan). Gullpi estadokunamandaka kuna Ecuadorka 187.5%ta yalishkapurakunawanmi shayarikun, 14 estadokunami shinapi shayarinakun, paykunami FMIPA cuotata yalirishka 2021 watapi. Chaymanda kunanka 2023-2030 watakunapika 1.079 hachu hachu dolarestami pagan tukugrin.<sup>40</sup> Chay llakikunata rikushpami Hatun villachik wkin ñangukunata rikuchingapa munapan, alyta ringapa ashtawan recursokunawan.

### **6.1. Imashna kullkita tarinata gullpikunapallata minishtishkakunata rikushpa**

Kallaringapami minishtirin shuk shinlli reforma tributaria nishkata. 2021 watapimi rurarirka shuck mushuck reforma tributaria nishkata. Chaytami ashtawan gullpikunapallata minishtishkakunata rikushpa katigrin rikurikurka. Kay reformami rurarirka FMImanda mañashkakunamanda chunkaniki killapi 2022 watapi. Kay ñandata kaporirka ashta ingresos tributarios nishkata tarigapa. (2.000 hachun hachun dolarestami llukshina karka kaymanda 2022 watakaman). Shinapash 2023kamanga Impuestokuna/PIBWan rikushpaka chayllata rikurin. Shinallata progresividad nishkatami uriajushka 1,8%kaman, ashtawan IVAta minishtikushpa.

El Relator Especial recalca el papel de un régimen tributario progresivo en la lucha contra la pobreza y la reducción de las desigualdades. Sólo una reforma tributaria progresiva, equitativa y eficiente, centrada en movilizar ingresos permanentes en el mediano plazo, abordará de manera creíble los déficits fiscales de los próximos años. El nuevo gobierno de Ecuador debería aliviar la carga impositiva para las personas que tienen menos capacidad de pago. Es probable que las personas de bajos ingresos gasten más en bienes esenciales y estimulen la economía nacional en el proceso. Mejorar la porción de los ingresos fiscales que provienen de los impuestos directos (sobre los ingresos) (y disminuir la porción de los impuestos indirectos (sobre el

---

<sup>40</sup> <https://cepr.net/report/the-growing-burden-of-imf-surcharges-an-updated-estimate/>

consumo), además de aumentar los niveles de impuestos de los tramos de ingresos más altos y aplicarlos a los ingresos corporativos (o al menos a los ingresos de empresas de cierto tamaño), contribuirían a esta causa.

## 6.2. Pachamamata rikushpa mañashkakunata paktachina

Mañachishkakuna pakachinata pachamamata rikushpaka shuk ñandapash kanmi. Chaywanmi fiscal llakikunatapash aydayta usharinmi, chay charishkakunaman aydaykunawan katingapa. Shinapash shinlilla kay ñanda tukuchun, yariktami kana ima pundapi yacharishkata.

Pichkaniki killapi, 2023 watapi, The Nature Conservancy aydashkakunawanmi, Ecuador mamallaktaka haturkami paypa mañachishkakunata 1.630 hachun hachun dolarespa. Chay jahuapimi descuentota rurarkami 660 hachun hachun dolareswan. Kaymi ima pachakunapi chaykaman na rikuririshka shinashnalla.

Kay paktachishkami Credir Suissewanmi rurarishka, shinliyachingapa ima rurashkakunta Galapagos llaktata conservaciónta katingapa. Shinallata aydarkami Corporación Financiera de Desarrollo Internacional de Estados Unidos, paykunami aydarka 660 hachun hachun dolareskunawan seguroskunata shayachishpa, ama politicamanda llakikuna kay ruraykunata waglichun. Shinallata Banco Interamericano de Desarrollomandapash 85 hachun hachun dolaresta churarka garantía nishpa.<sup>41</sup> Kay rurashkakunawanmi munarin 323 hachu hachun dolaresta tigramuchun 18.5 watakunapi. Chay kullkiwan Galapagos llaktata rikushpa katingapa.

Galapagospa Bono Marino nishkata sumak rimaykunami shayachishka. Ningapalla: kay rurashkakunata kullkita muyuchingapaka paraísos fiscales nishkakunawanmi rurashkami (Delaware, Irlanda llaktakunawanmi paykunaka muyurishka). Shinallata wakinkunami rikuchishka imashna kay kullkitaka 2030-2035pilla rikuyta ushariringa. Shinapimi ñakutin Ecuador mamallaktaka ashta kullkita minishtigrin 2025-2030 watakunapa.

Imashna kay rurashkakuna aparijun, shinallata imashna finanzasmanda aparijushkata na gullpita rikuchijunllu, shinallata na rendición de cuentas nishkata ruranakun. Wakinkunaka soberanía nacionaltami shayachin nin. Shinallata shuk kunaka llakilla rikunajun imashna Moody's<sup>42</sup> manda kay bonotallata uriachijushka.<sup>43</sup>

Chaymandami, mana yapa kullkita estadoskunamanda, manllashpa rikurin kay canje de deuda nishkakunata. Na alyk calificación bonokunata tariqpimi mercadota mayman rina kan apayta usharin, mañashkakunata charikpipash shinlli llakimi tigramun.

5 iskunikipi 2023 watapimi, gobiernomanda villashka shuk “corredor amazonico” ruranga yuyaykuna. Kaymi ashta watakunapi paktachita munan amazonia sachá kawsayta, ama chingarichun, chaywanmi ashtawan recursokunapash tarikta usharinmi nin gobiernomanda.

---

<sup>41</sup> <https://www.credit-suisse.com/about-us-news/en/articles/media-releases/financial-close-reached-largest-dept-conversation-marine-conservation-protect-galapagos-202305.html>

<sup>42</sup> Moody's nishkaka yupaykunata churan mañachishka kamachik kunaman.

<sup>43</sup> <https://ratings.moody's.com/ratings-news/402314>

Kay yuyayka aly ñanmi charipan, shinapash alygutami rikuna ama tapuykunata yangata sakingapa. Aly ñandata katingapami yarina kan ima Galapagospi rurarishkakunata, shinallata shuk llaktakunapi rikushkata, ningapalla Seychelles, Belice y Barbados.

### **6.3. Ima minishtikipacha combustiblekunata aly yuyaywan apanata**

Kimsa yupay ñan, espacio fiscal nishkapa hatuyachingapami combustiblekunata aly yuyaywan apanata subsidiokunata alypacha kungapa. 2022 watapimi 4.500 hachun hachun dolareskunami subsidiokunamanmi rishka (kayka 4% PIBmandami kan). Ministerio de Educaciónpa kullkiwan rikukpika chayllata kullkimi churarishka. Shinallata wakcha gentekunaman aydaykunata rikukpika kay kullkika chusku yalik kullkimi kashka.

Shinapash, kay subsidiokunaka mana ñaupaman Ecuador mamallaktaman apakunllu: chay aydashkakunawanka charik runakunamanllami ninanda aydarikun subsidios al diesel nishkakunawan (Gullpi llaktata rikukpika paykunaka 20% mi kan). Shinallata mana mushuk sostenibilidad nishkaman rinata sakinllu. Kay ñandami Ecuador mamallaktami kaphishka Objetivo de Desarrollo Sostenible 12 katigrin nishpa. Chaypimi mañakun "racionalizar los subsidios ineficientes a los combustibles fósiles" nishpami mañakun, shinallata chay ñandallata katikpimi rina kanchi "de una manera que proteja a los pobres y a las comunidades afectadas" (Meta 12c).

Hatun villachik hamutanmi imashna na yapak valishka combustibleka ninandami aydan wakcha ayllukunapa, ashtawangayn pi karu llaktakunapi kawsanakun. Shinapash, imashna kunambi kayta aparikun mana chay wakcha ayllukunamanllata aydakun shinallata mana watakunapipash aparikta ushariringa. Chaymandami asha asha anchuchishpalla, shinallata wakchakunaman aydaykunata rikuchishpami (yachaywasiman yaykuchun, shinallata jambita charichun) aly kawsayman chayarin gullpi Ecuador mamallaktamanda runakunapa.

Ima recurso tarishkakunata kay subvenciones anchuchishkamandami aydaykunata shinllichinami kapan. Shinapash mushuk ñandakunatapash katina kapan, ashtawangarin ama hatun llaktakunamanda ayllu-llaktakunamanda chashnapacha brecha nishkta tyiachun.

Sumak yuyaykunatami paktarita ushrin, ningapalla, shuck hatun proyecto nishkata ruray usharin wawakunapa yarkay anchuchingapa. Na asha mikunata karashpalla ima kunan rurarikun wakin ayllu-llaktamanda yachaywasikunapi (Kay ychaywasikunapi kunanga 2 hachun hachun wawakunami tyian): Programa Mundial de Alimentosmi ñami shuk ñandata rikukun. Paykunami llaktamandallata mikunakunata rikushpami tyanakun. Kay mikunakunak wakimbi 0,56\$ta valin shuk wawapa, ashalallami yalishkami kan refrigeriokinata rikushpaka (0,31\$). Chay ñandata katikpika llaktamanda llamkak kunamanpash aydaririnka.

Shinallata planes de riego nishkapipash recursokuna churay usharinmi (tamia yakuta kapingapapash), shinallata yaku serviciokuna, shinallata sanamiento nishkata ayllu-llaktakunapi.

\* \* \*



**Mamallaktapa kullkika mana uku allpapi tiakunllu, paypa runakunapi taririn paypa kullkika, shinallata pay llaktakunapipash chaytaka taririn. Mana ashta alpa uraman rinakanchi, aydaykunata chaypaka hatuyachishunchik. Kay ñandami tayta vilachik rikuchijupan mushuk yaykuy administración kunaman.**